



DV PAYS DE LANGVEDOC, ET PLACES DE LA Gaule Narbonnoise outre le Rhosne.



Es plus proches places du Rhosne dependantes des pays susnómez, sont ceux de Viarez, du Velay, Geuoudan, contenûes sous

le Parlement de Tholose. Viuers est capitale de Viarez, & le Puy du Velay, qui est vn Euesché, dót l'Eglise cathedrale est dediee à nostre Dame. Tournon est aussi en Velay, où il y a vn fort ancien chasteau.

Le pais de Velay separe le ressort de Paris, d'avec celui de Tholose, par les bornes & limites du Rhosne.

Mane

Mande est la capitale des peuples Gauaches ou Geuoudans, iadis nommez Gabales, ou Gabalitans.

FONDATION DE LA
ville de Narbonne & pays
Narbonnoys.

La ville de Narbonne a donné le nom à tout le païs. Le premier fondateur de laquelle fut vn Roy des Gaules nommé Narbon, qui viuoit enuiron l'an du monde deux mil trois cents quinze. Moyse estant encor en son enfance.

Narbonne est la plus basse ville de France, située en vne fondrière, là où le fleuve Arax, à present Aude, s'engolphe en la mer Méditerranee.

Les

Les Preteurs Romains y auoit anciennement leur siege. Ceste ville fut ruinee & bruslee par Attila Roy des Huns.

Vigor, grand & insigne Docteur, fut Archeuesque de Narbonne.

La iurisdiction de Narbonne s'estend iusqu'aux monts de Pyrenee, & à la riuere de Garonne, les vns luy estans au Midi, les autres à l'Occident, ayant au Midi la Prouence, & au Septentrion le país Geuoudan, où plustost d'Auuergne, à cause que le Geuoudan & Gabalitan sont de ceste premiere Gaule Narbonnoyse. D'autant que la seconde Narbennoise est en Prouence, & contient l'Archeuesché d'Aix, & villes qui luy sont suffragantes, & la premiere a sous soy les Archeueschez de Narbonne, de Tholose, & les

Eues

Eueschez qui ensuiuent premieremēt soubs Narbonne sont Carcassonne, Besiers, Agde, Lodesue, Nimes, Manguelonne, Vzez, Eaule, Alest, & S. Pons de Tonnerre. Et soubs Tholose iadis Euesché subiect à Narbone, & fait Archeuesché soubs le Pape Iean 22. sont les Eueschez suiuaus, erigez par le susdict Pape d'Abbayes & autres Colleges en Eueschez, sçauoir Montauban, Mirepoix, Rieux, Lauaul, Lombers, S. Papoul & Pamiers fait Euesché par Boniface 8. n'estant auparauant qu'une Abbaye dediee à S. Anthonin.

DE LA VILLE DE
MOMPELLIER.

Ceste ville fut premieremēt
apellee Agathé dont elle est
di-

dicte *Agathopolis*, depuis elle a esté nommee Mompellier, où Mont pueillier, pource qu'aucuns l'ont nommee *Monspuellarum*, c'est à dire le mont des filles ou pucelles.

Mompellier est bastie non loin de la mer, au païs de Languedoc, en vn païs bon & salubre, sur vn costau, lequel va pendant sur le Ponent, ayant à vn iect d'arc des murailles la riuere de Lez.

La courtoisie des habitans, leurs richesses, la fertilité du païs, & bonté de l'air, a faict que les Medecins s'y sont retirez, & que la medecine y est aussi doctement traictee qu'en ville de l'vniuers.

En ceste ville y a court des aides, & chambre de Generaux.

Il y auoit de belles Eglises à Mompellier, telles qu'est la

586 DESCRIPTION
cathedrale dediee au nom de S.
Pierre, Nostre Dame des Taules,
S. Firmin, S. Holari, S. Magdeleine,
s. Thomas, s. Sauuaire le grád,
S. Iean & S. Denis, avec plusieurs
Conuents & Monasteres, qui furent
ruinez par les Calvinistes l'an
mil cinq cents soixante
trois.

DE PLUSIEURS AVTRES PLACES
& villes en general.

A Pres Mópellier est Beau-
caire, ville fituee sur la ri-
uiere de Gardon; le terroir de la-
quelle auoifine l'Auignonnois
d'un costé, & le Viarez de l'au-
tre: apres est Alaiz, siege de Vi-
comté. Puis Vzez Euesché, qui
n'estoit iadis qu'un chasteau,
honoré du titre de Duché, apar-
tenant aux Seigneurs de Cursol.
Soubz

Soubs Beauchaire est la cité Episcopale de Lodesue , iadis chasteau , situee sur la riuere d'Orb, soubs l'Archeuesché de Narbonne.

A Lodesue estoit le corps de S. Fulchran , ausi entier que le premier iour qu'il fut enterré. Lequel fut taillé & dechiquetté par les Huguenots, ausi meuu que la chair des pastez, voyans qu'il ne l'auoint peu aucunemēt brusler. Ce fut l'an mil cinq cents septante trois.

Entre Beauchaire, Vzez , & Lodesue est le pont admirable du Gard, basti par les Romains, & est à trois estages. Il leur seruoit d'aqueducts, pour faire venir l'eau à Nismes. Ville fort ancienne, & fort aymee par les Seigneurs de Rome.



FONDATION DE LA
ville de Nismes.

Nismes est assise sur le passage d'Italie en Espagne, & est de la fondatió des Phoceens.

Ceste ville fut iadis de beaucoup plus grande estédue qu'elle n'est de present, & ayant des bastiments des plus superbes & plus magnifiques.

Les marques d'antiquité de Nismes sont les arenes ou amphiteatre, lequel est encort tout entier par dehors, par apres le bastiment admirable de Capdueil, & ores la maison carree, qu'on estime vn temple basti par l'Empereur Adrian, en faueur de son espouse Plotine, par le moyen de laquelle il estoit paruenue à l'Empire.

Il y a vne infinité d'autres antiquitez à Nismes, comme inscriptions, statues, tombeaux, medailles, voustes sous-terraines, & autres choses fort memorables.

Domitie Affer, grand Orateur en son temps & fort estimé par les Romains, estoit natif de Nismes.

L'eglise cathedrale est embellie de plusieurs ouvrages magnifiques faicts à la Mosaïque.

En ceste ville se void vne statue antique à double corps, sans teste, qui est là des le temps des Payens.

Il y a aussi la statue d'un fauteur ou danseur de Moresque, accoustré à l'ancienne façon.

Hors la ville pres le Monastere S. Bauzille est vn costau de terre argilleuse, où l'on entroit autresfois les Juifs; lesquels

pour ceste cause deuoint certaine somme de poiure aux Moines de l'Abbaye susdicte. Ceux du pais apellent ce lieu Mont-Iouziou.

En vn autre lieu hors la ville est vne haute tour faicte par estages en forme de niches, bastie de pierres menuës carrees, si bien ioinctes & cimentees ensemble qu'il n'y a homme, si diligent soit il, qui puisse en vn iour en abatre seulement le quart d'une roise.

DE PLUSIEURS VILLES ET
places de Languedoc.


Après Nismes s'offrent les villes de Somieres, sur les Vidourle, Castres, Villemans, Pezenaz, Agde (qui est vn Euesché) situee sur le fleuue d'Ethaud
Ca-

Cabestran, S. Nazare, Clermont de Lodesue, Carcassonne, maintenant ville Espiscopale tresforte, sise sur le fleuve d'Aude, & premier siege de Seneschal du ressort de Tholose.

Laiſſant la Carcassonne, l'on entre en ceste belle plaine de Languedoc, des plus fertiles de France, en laquelle sont comprises plusieurs belles contrees, telles que sont l'Auraguez, le terroir Tholosain, & partie du Comté de Foix, & tout le Quercy & Rouergue sont compris en l'Aquitaine; toutes fois du ressort de Tholose.

En ceste estenduë de pais sont encor les villes de S. Ponts, de Tomieres, S. Papoul, & Lauaur, Eueschez modernes, erigez par le Pape Jean 22. lors qu'il erigea Tholose en Archeuesché, comme dict est.

Il ya encor Castelnau d'Arry, chef du païs d'Auraguez, en aussi belle assiette que ville de ce Royaume, en vne plaine fertile en fruiçts, legumes, & autres cōmoditez.



DV PAYS DE
Rouergue.

LE païs de Rouergue est séparé du Languedoc, par le fleuve de Tarn.

La cité capitale de Rouergue est Rhodéz, des premières conuerties à la foy par saint Martial, lequel dedia l'Eglise cathedrale au nom de la vierge Marie, & par ainsi Rhodéz est vn ancien Euesché.

Il y a siege de Seneschal en ceste ville ressortissant à Tholosé.

Les